



## **KHARIPE VASH FILMYA**

**Vash o savore Roma, Sinti, Kale, Kalderash, Lovara, Lalleri, Ursari, Beash, Manouches,  
Ashkali, Aurari, Romanichals, Droma, Doma, Gypsies, Travellers  
thay vash savore Romane grupe ani lumia ...**

E shtarto edicia e Romane Filmeske Festivalessko ka adikergjol ano Berlin ko bersh 2020:

**AKE DIKHEA?  
Festivali e Romane Filmesko  
19 – 23 Novembri 2020**

**Roda filmya, kote o Roma, Sinti thay yaver Romane grupe shay te identifikinyon olenca.  
Romane manusha thay Romane organisacije shaj te propozilinen Filmya kotar romane vi  
na romane filmeske producentya kola qalavna o jivdipe e Romane manushengo ani lumia  
thay kritikipea reflektinena pe realiteti e diskriminaciako.**

**Shaibe vash filmesko registripe:**

**FilmFreeWay: <https://filmfreeway.com/AkeDikhea>**

**Form: <https://bit.ly/2NiDumj>**

**E-mail: [info@roma-filmfestival.com](mailto:info@roma-filmfestival.com)**

**Agorutni data vash propozalya:**

**Kurko dive, 9 Avgusti 2020**

## **Angluni informacia:**

**AKE DIKHEA?** si korkoro organizimo, mashkarthemutno festivali e Romane filmesko kova ka adikergyol ko Novembri e bershesko 2020 ano Berlin. O Festivali prezentinla e Berlini, Germania thay e lumia prekal e perspektiva e Romane manushengi: Kola filmya reprezentinena amende, kola teme si mahatne vash amenge? Sar dikha amende, sar manga te dikhlova? Na manga te ajukera daykho te del amenge avazo. Amen manga kay korkore te formirina o socialuno thanipe thay te decisina pe festivalesske teme thay struktura.

O festivali si organizimo kotar Bertineski romani korkori-orgaizimi organizacia RomaTrial pe ledeipe e Germaniake may purane kinoa, Movimiento.

Maybuhle informacie shay arakhlona ani ueb qham [roma-filmfestival.com](http://roma-filmfestival.com).

## **Selekciaki procedura**

O AKE DIKHEA? Festivali e Romane Filmesko angazhingyola vash unikat kotorleipasko procesi e selektipasko: Nays e amara rafinako ani sah lumia e (Romane) filmeske producentenca, shay te arakha teme, manusha thay perspective kola pe yaver drom shay aqhona sine bi shunde ose shay thernay numay lokaluno ose nacionaluno impakti. O sah procesi si sah astardo (inkluzivuno):

Mashkar 1 Yuli thay 9 Avgusti 2020 ka keda o propozalya thay aplikacie vash o filmya kotar ververutne Romane komunitetya, akterya thay individya.

Ko agor e Avgustesko, yekh mashkarthemutni komisia – Romane thay na-romane filmeske profesionistya – ka arakhlon ano Berlin vash te diskutinen vash maksimum 50 filmya anglo-alosarde kotar o artistikuno direktori e Festivalessko Hamze Bytyçi. Khetane may dosna on ka selektinen pashe 10-20 harne thay luga metrazhake filmya kola ka prezentyingyon ano festivali.

Akceptina savore filmeske zhanrya thay metrazhe. Akceptina numay filmya kotar Romane thay na-Romane filmeske producentya e mayuqe nivelea e reflektipasko e anglokrisipyengo mamuy e Romani populacia.

## Proposal guideline

- Numay individya thay organizacie kola defininena peste sar Romane organizacie ose individya (ose Sinti, Kale, Kaledarash, Lovara, Laleri, Ashkali, Aurari, Gypsies, Travellers...) shay te propozinen ose aplikinen vash filmi.
- Ka akceptingyon numay o filmya kotar o Romane thay na-Romane producentya e mayuqe nivelea e reflektipasko e anglokrisopyengo mamuy Romani populacia.
- Registraciaki forma musay te kompletinyol vash sakova filmi – shay te ashutinamtumen vash akava.
- Alikipe vash o filmya si bizo pokipe.
- Say te registrinen harna ose luge metrazhake filmya, akceptina sah filmeske zhanrya.
- Akceptina filmya bi lelo pe dikhipo o bersh e realizipasko.
- Sakova individi ose organizacia shay propozinena maksimum 5 luge metrazhake thay 10 harna metrazhake filmya.
- Te sine kay o filmi na si pe Anglikani qhib, musay te therel Anglikane titre.
- Na akceptina bi agorime filmya. Roda tumendar te propozinen thay registrinen kompletine filmya kola si gatisarde vash publikuno sikavipe. Nashti dena nevi filmeski verzia palo phanipe e aplikipaska datako.